

Тооцана болн сунъгъврн комсомольск хург дуту-дундиг темдглв

Элст балгъсна „Буратинский“ совхозд, тооцана болн сунъгъврн комсомольск хург болв. Эн джил совхоз государствд буудя орулдж ѳгх зурагъан болзгаснь урд кўцāv, ѳвс хаддж хуралгъна зура кўцāгдв, олна малд шимтā хот белдлгънд оньг тусхагддж, 4 мингъгн центнер силос даргдв. Совхозд машинн-тракторн мастерской тосхгдв, малин хаша-хаац ясгдв, централън усадьб деер шин школ тосхгдад дуусгдлжана.

Совхозин кѳдлмшт диилвр кўцлгънд комсомольцнр болн багъчуд шунмгъагъар орлцдж кѳдлцхāv. Комсомолец-комбайнер Болдырев, РСМ-8“комбайнар тārā хуралгъна кѳдлмшт шунмгъагъар орлцдж, 420 гектар тārā хадад, 3298

центнер буудя цокв. Комсомольцнр М. Пузиков болн А. Ностаев 1050-1100 гектар газр хагълцхав, саальцнр Е. Кекеева, А. Чикиндеева, Б. Корпусова ўкр болгънас 1100-1150 кг. ўс саадж авцхав.

Болв хург деер босдж уг келсн комсомольцнр комсомолин комитетин кѳдлмшт бāāsн дуту-дундинь илдкдж келлгънд оньган икār тāvцхāv.

—Комсомольцнр дунд политическ сургъмджин кѳдлмшик татугъар кегдлжāv. Комсомолин комитетин сеглār ўр Киселевин гардвр сул болсар урднь кѳдлдж бāāsн политкружокс болн „гиигн кавалерий“ тардж одв,—гидж комсомолка Зиненко келв.

—Хѳ киргългънā цагт урднь болхла багъчудин болн

комсомольск бригад бурдāгдād, теднā социалистическ дѳрлдāнā ашнь цагтнь хālāгддж, ѳмн нўўрт йовх улст мѳрā ѳггдг билā. Эн джил болхла, комсомолин комитет тиим I бригад батлсн чигн уга,—гидж комсомолк Мукаева келв.

Багъчудин амрлгъинь бурдāхд комсомольск организац килмджāн эс ѳгдгин тускар, совхозин парк эзн-хозн уга бāādлтāгъār эвдрдж тарджахинь заадж комсомольцнр Манджиева болн Романенко келцхāv.

Тооцана болн сунъгъврн хург авсн тогтавртан совхозин комсомольцнрин болн багъчудин цаарандан кўцāх тодрха кѳдлмшинь темдглв, комсомолин комитет шинās сунъгъв.

Н. АРЖАНЦОВ.